

年

卷

期

5

3

第

第

民族詩壇

右任

第五卷 第三輯

(七十五)

目 要

獨秀遺詩……………陳仲甫遺著

詩……………吳忠信等

詞……………朱樂之等

曲
錄

東簾宮織倭記雜劇……………王玉章

南京圖書館藏

民族詩壇第五卷第三輯目次

獨秀遺詩……………陳仲甫遺著

陳配德……………四首

詩錄

鄭衡叔……………二首

吳忠信……………二首

賀良璜……………二首

陳樹人……………二首

曾小魯……………二首

曹經沅……………一首

奚倫……………三首

胡匏叟……………四首

沈仲賢……………一首

陳延傑……………七首

徐天嘯……………一首

李仙根……………十一首

唐鏢……………三首

陳曼若……………八首

盧前……………一首

錄

朱樂之……………六首

王去病……………六首

盧昀原……………三首

周禮……………三首

孫澄宇……………三首

周方燧……………一首

曲錄

東齋宮殿倭記雜劇……………王玉章

獨秀遺詩

陳仲甫先生遺著

游滄光

一卷·據霍邱臺氏藏寫本，共二十九首。

石級穿林三百層，層層仄迳繞山行。迎人密竹兩旁立，裂地清泉一路鳴。山意不遮湖水白，鐘聲疎與暮雲平。月明遠別碧天去，塵向丹臺寂寞生。

游虎跑

昔聞祖塔院，幽絕浙西東，山繞鐘聲外，人行松澗中。泉聲漱石齒，樹色蔽晴空，莫就枯禪飲，堦前水不窮。神虎避人去，清泉滿地流。僧貧慵款客，山遠欲迎秋。竹沼滋新綠，山堂鎖暮愁。烹茶自汲水，何事不清幽。

偕曼殊自日本歸國舟中

身隨番舶朝朝遠，魂附來舟夕夕還。收拾閑情沈逝水，惱人新月故彎彎。

曼上人述梵文典成且將次西遊命題數語爰奉一什

丁未夏五

千季絕學從今起，願罄全功利有情。羅典文章曾再冊，悉曇天語竟銷聲。衆生
繭縛烏難白，人性泥塗馬不鳴。本願不隨春夢去，雪山深處見先生。

杭州酒家

武陵市上酒家樓。「壚」自別江城又一秋。若問狂郎生活意，醉歸每見月沉樓。

存歿六首

伯先京口誇醇酒，孟俠龍眠有老親。仗劍遠游五嶺外，碎身宜蹈虎狼秦。

存爲舅徒趙伯先歿爲桐城吳孟俠

何郎弱冠稱神勇，章子當年有令名。白骨可曾歸閩海，文章今已動英京。

存爲長沙章行嚴歿爲福州何梅士

夫公說法通新舊，汪叟劇談騁古今。入冊須尊大乘法，論才痛惜老成心。

存爲壽州孫少侯歿爲歙縣汪仲伊先生

老贊一腔都是血，熊侯彘亦愛談兵。蜀丁未關蠶叢路，淮水哀吟艸木聲。

存爲霍丘鄭贊丞歿爲正陽熊子政

谷士生前爲諍友，形侯別後老詩魂。家中傲骨成枯骨，衣上啼痕雜酒痕。

存爲歙縣江彤侯歿爲績溪章谷士

曼殊嗜畫工虛寫，循叔耽玄有異聞。南國投荒期皓首，東風吹淚落孤墳。

存爲香山曼上人歿爲同邑葛循叔

曼殊赴江戶余適皖城寫此誌別

春申浦上離歌急，揚子江頭春色長。此去憑君珍重看，海中又見幾株桑。

曼殊作葬花圖贈以蠶爲題一絕

羅襪玉階前，「春」東風楊柳煙。攜鐙何所事，雙燕語便便。

西湖十景之一

飛柳飛花村路香，酒旗風暖少年狂。橋頭日繫青鸞馬，惆悵當年蕭九娘。

與孝遠同寓江津出岳索書輒賦一絕

何處鄉關感亂離，蜀江如水好棲遲。相逢鬚髮垂垂老，且喜疎狂性未移。

寄楊朋升成都

連朝江上風吹雨，几水城東一夜秋。烽火故人千里外，敢將詩句寫閑愁。

朋升夫人和平女士寄帑書手冊卽奉一絕
前年初識楊夫子，過訪偕君昨日情。寂寞胭脂坪上月，不堪回憶武昌城。

自鶴山坪寄懷江津諸友

竟夜驚秋雨，山居憶故人。干戈今滿地，何處着孤身。久病心初靜，論交老更
晚。與君共日月，起坐待朝暉。

告少年

大空暗無際，晝見非其形。衆星點綴之，相遠難爲明。光行無所麗，虛白不自
生。半日見光彩，我居近日星。西海生智者，厚生多發明。攝彼陰陽氣，建此
不夜城。局此小宇內，人力終難輕。吾牛誠渺小，傲然長百靈。會曰保軀命，
色呂延種姓。逐此以自足，何以異羣生。相役復相砍，事慣無人驚。伯強今盡
出，拍手市上行。旁行越郡國，勢若吞舟「驚」鯨。食人及其類，助舊一朝烹，
黃金握在掌，利劍腰間鳴。二者唯君擇，逆死順則生。高踞萬民上，富民齊屏
營。有口不得言，伏地傳其聲。是非且暮變，黑白任其情。雲雨翻復手，信義
鴻毛輕。爲惡恐不足，惑冊美其名。舉世附和者，人頭而畜鳴。忍此以終古，

人畫畫且冥。古人言性惡，今人言競爭。強弱判榮辱，自古相吞併。天道順自然，人治求均衡。曠觀伊古來，善惡常相傾。人中有鸞鳳，衆愚頑不靈，哲人間世出，吐辭律呂誠。忤「之」衆非所忌，坎軻終其生。千金市駿骨，遺言覺斯民。善非惡之敵，事「半」倍功半成。毋輕涓涓水，積之江河盈。亦有星星火，燎原勢「將」竟成。作歌告少年，努力與天爭。

聞光午之瑜靜農建功諸君於屈原祭日聚飲大醉作此寄之。
除却文章無嗜好，世無朋友更淒涼。詩人枉向汨羅去，不及劉伶老醉鄉。

春日憶廣州

江南目盡飛鴻遠，「不」隱約羅浮海外山。曾記盈盈春水潤，好華開滿荔枝灣。

依韻和尹默兄

宇宙永相續，河嶽且暮改。人生此世間，依緣暫存在。烏鵲巢危枝，求安亦終殆。降志期苟全，神識已肢解。榮名以爲壽，微塵着滄海。但使意無違，王喬勿久待。健仰無愧作，何用遠咨悔。

寄尹默

湖上詩人舊酒徒，十年匹馬走燕吳。於今老病干戈日，恨不相逢盡一壺。邨居爲愛溪山靜，臥枕殘書聞杜鵑。絕學未隨明社屋，不辭選懦事丹鉛。哀樂漸平詩興減，西來病骨日支離。小詩聊寫胸中意，悉老文章氣益卑。論詩氣韻推天寶，無那心情似晚唐。百藝窮通偕世變，非關才力簿蘇黃。

三十一年春作

桃花欲落梨花白，落盡梨花聞杜鵑。爲戀輕寒春緩去，一簾疏雨凍桐天。

蜀

之春

嫩秧被地如茵綠，落日銜山似火紅。閒倚柴門貪晚眺，不思辛苦亂離中。

關眺

詩錄

登嘉峪關

吳忠信

漢唐文化西流徑，多少英雄度此關，萬里無雲天一色，挽回錦繡我河山。

塞上吟

披星戴月去陽關，塞上風霜刺骨寒。阿爾太山雲在望，祇知建國不知難。

詩人節弔屈原

陳樹人

愛國忠君爲世頌，行芳志潔是吾師。流亡又度詩人節，澤畔行吟不盡思。

山居樂示若文一百韻

鄉井逾千里，兵戈滿四年。神州奇劫遍，炎裔厄災纏。巨寇幾移國，吾民那問天。金陵烽燧動，玉壘羽書傳。顛沛先奔楚，間關繼入川。流氓圖忍繪，焦土策難捐。滿目瘡痍重，驚心禍患延。景如斯慘慘，心豈不悵悵。笑我情何固，

多君志亦堅。原期同赴難，遑恤遠征遘。行在趨巴縣。僑居卜市廛。一朝遭燬
天炸，萬戶化灰烟。嚴令行疏散，窮陬任播遷。竭來渝市外，略近縣西偏。衙署
藏林壑。家居繞澗澗。山林鐘鼎并，君子野人聯。隨遇安吾素，唯心適所便。
豐茲繳耆彼，樂後乃憂先。我有林泉興，常爲世累牽。更思偕隱地，同力耦耕
田。陶翟應追跡，鴻光擬比肩。有懷長拂逆，無處着盤旋。今日眞天幸，渾疑
是夙緣。蜀中山水美，平昔夢魂懸，况得三巴住，兼能一壑專。峯巒千仞秀，
松柏四山妍。苔石青蒼玉，烟林白紫璇。村莊深樹裏，畝畝峻山巔。隙畔皆蔬
豆，穰田亦陌阡。笙簧山鳥合，錦繡野花駢。畫境何幽逸，詩情更渺縣。今吾
來偶爾，此地願終焉。暫作無羅雉，還成有鬢蟬。燕區開半畝，茅舍葺三椽。
林罅瓜棚補，坡欹菜塊填。疎窗糊薄紙，低瓦蓋殘篔。亦下高人榻，非無坐客
氈。老妻勤灌溉，嬌女樂眠胼。操臼誰同德，炊粳誰比賢。鴻嗷嗟四野，鷗夢
愧雙圓。因念當斯際，諸多事可憐。幾人仇竟事，千古恥難湔，女妾男臣輩，
全身備位員。長安哀建業，宮闕痛幽燕。凝碧聽絃管，青衣侍酒筵。幾人乘喪
亂，盡力斂金錢。大厦樓連苑，珠釵翡翠鈿。妻孥安異國，貨殖運洋船。豈畏

攻鳴鼓，惟求富執鞭。幾人貪勢位，畢世類狂顛。心以爲形役，身難與氣平。
螻螂鑽糞土，螻蟻赴腥膻。手段殊卑下，心機極巧環。排擠兼奪取，數術又謀
權。凡此誠堪嘆，他曹怙不悛。因何令至此，亦得爲衡銓。澹泊能明志，清真
可悟玄。林泉煩慮滌，丘壑俗情蠲。耕釣堪違世，屠沽得學禪。水流心不競，
花發思俱鮮。美感須傳授，澄懷足化甄。倘知山水樂，定使性靈全。我輩常居
此，天懷總豁然。近來添雅事，更覺得真詮。齋號新題就，得安吾勉旃。（近
號居室曰得安齋）名詞雖淺陋，意義實深淵。理得眞賢聖，心安卽佛仙。吾儕
當現在，試一溯從前。賦性原疎介，居恒重敬虔，同心花灼灼，比翼鳥翩翩。
隨唱年將卅，艱辛歷萬千。東瀛同負笈，北美共乘輶。大業何由就，微幾自要
研。我身難獨善，國運正逆遭。卅載登臺省，曾無補滴涓。浮湖思范蠡，鑿空
仄羨張騫。處處胡氛滿，時時劫火燃。有心供輔弼，無力轉坤乾。寒位今行
難，思鄉暫算還。團團飄泊際，修養僻荒邊。不忍開樽俎，寧辭啜粥饘。嵐光
作屏障，禽韻當絲絃。抄景常揮翰，抒情每擘箋。相莊情穆穆，共難意拳拳。
到此俄三載，何時靖八埏。醜夷驅海島，上國耀戈鋌。平寇汾王業，收京杜老

篇。還鄉春作伴，來路舊能沿。行篋畫詩積，歸舟崖峽穿。江南多豔杏，粵嶺足紅棉。終遂吾初服，還披我故編。西園從雅集，北牖任高眠。偕老情何摯，歸耕願不愆。收身甘負載，養性佩韋弦。此日逢新夏，巴山最媚娟。偶題詩率爾，不覺句牽連。百韻吟初就，羣山笑欲嫣。老妻相慰勞，清茗自烹煎。佳興真無極，怡情詎可宣。謝卿親手奉，一盞好山泉。

奉送 禮卿先生度隴

曹經沅

許國年年驗鬢霜，祝公勳業邁文襄，補栽楊柳三千里，要認天山作故鄉。

六十四歲生日感賦

胡匏叟

一天月色爲誰好？（借用東坡句）是我呱呱墮地時。六十四年如夢覺，五千餘里此身羈。文章終被儒冠誤，山水未嫌遊屐遲。佳節難逢人易老，掃除萬念付新詩。

主朝辜負好中秋，身世茫茫問斗牛。久宿空桑多俗戀，獨攜明月洗羈愁。寇深拚作喪家狗，才鈍眞成上水舟。石火光中渾不覺，幾時白了少年頭。當日爺孃壁樣擎，不應書劍竟無成。團圓好月明如許，寥落文人意未平。底事

江關留庾信，欲從市上覓荆卿。年年慣聽霓裳曲，換得漁陽鼙鼓聲。
五陵裘馬幾人存，往事滄桑且莫論。老去吟懷猶未減，秋來鄉夢又重溫。今宵
酒只闌花月，歷劫書堪付子孫。暗數年華強自慰，中原到處是啼痕。

辛巳七月廿二日曉發海棠溪乘鹽務局汽車赴黔中

陳延傑

三年泣憂國，氣力兩衰耗。攪涕辭巴山，依依情戀嫪。抗辭駕鹽車，婦子風中
飄，朝發海棠溪，夕宿綦江隩。載馳雲壑裏，圖巒困陵暴。縈紆百八盤，嶮絕
魂驚悼。青壁峭萬尋，無梯頂可造。車船渡烏江，水深默以禱。挂眼黔中青，
殷勤報所好。西風稻正黃，林禽爲我噪。抱古買不售，寒餓耻媚竈。山谷謫哦
詩，面色日苦毫。何時平倭歸，吾生被覆燾。（黃山谷謫居黔南詩老色曰上面）

黔南中秋觀月

流落天南鬢已班，今宵觀月貴州山。巖巒百匝留人住，林薄叢生流水潺。博學
於文求已事，買山而隱濟時艱。懸知江表陳瓜果，烽火連天何日還。

華仲麀陳恒安二祕書邀飲杏花村座中遇盧冀野參政悽然成咏

二妙黔中遇我厚，霜天買酒醉華筵。昔探孔孟學何事？各撫頭顱夢十年。自笑

殘身砂作飯，每憂倭寇淚成川。尊前又遇江南舊，燈火相看只惘然。

冀野以詩見酬次韵答之

亂離今復會黔市，逝水云云鬢點蒼。謀道魂猶思白下，阻兵夢不到衡陽。樗才
遇匠不加斧，壘塊堆胸謾引觴。豪氣如君詩有味，山窗暇罷助秋涼。

貴筑張縣長邀同尹石公盧冀野華仲慶李獨清昆季柴曉蓮李稚甫與予凡十四
人遊黔靈山其五人則予忘之矣

滯滯非千澤，牽賢旦暮遇。魚貫入黔靈，各有濟勝具。秋林蔽晝昏，磴溼苔黏
步。青山千萬遶，饋餼蒸可舖。鉢池洗面塵，雲坳翠述霧。沈沈佛廟幽，僧錫
闕無駐。只聞寂時鐘，聲塵誰云悟！眼中霜楓丹，顛沛今始晤。共登羣峯首，
蒼茫哦四頌。世以儒詬病，酸寒久定住。老抱賦畝憂，長鏡立風度。山阿儻有
人，執鞭所欣慕。

秋郊

霜風獵獵木微脫，茅屋丹楓合往還。莫道黔江苦留滯，天教柱頰看秋山。

陳部長寄聲來慰籍云到眼青山有資諷咏亦詩人發憤之一塗要當以博學於文

與行已有耻，開示來學買山之計，當復未遠也。謹走筆賦長句，酬之。

陽明學道龍場驛，想見黔青悟得之。今我來思抱萬壑，老懷忍餓煮新詩。買山
自以學爲業，話國終傳經是資。公領辟廡書一紙，滅胡可卜太平基。

王子喬何人（王重生時爲貴陽醫學院教授）時時臨書几，談文有根抵。筆陣可摩壘，
乘輿共步郊。聽瀑尋芳芷，辟世兩幅巾。照影南明水。

涪翁謫黔南，乃摘樂天句，自傷住天涯。賦詩心若遇吾境，與之同。况遺國多故，歲晚
蟲閉關，夢遶臺城路。

尹公哇不嚙堂堂述孔業（尹石公近爲貴陽師範學院教授）矢未喪斯文學子書滿
篋，居茲禁酒國，苦吟鼓三疊。抱臂入黔靈，庶幾馮諤飲。

洞中雜感（并序）

自八月九日迄十五日寇機肆虐，山城相偕洞處，予常以微吟消遣，得洞中雜感如
千首，雖不足以言詩，幸圓機尙不亂耳。

李仙根

舊歎天胡醉，今知陸可沉，無人能愛物，有地亦生金。世事蒼衣幻，黔黎血淚
深。五年搖禿筆，何日已悲吟。

我本不羈馬，縱橫改命前。自從戈離手，徒使墨磨年。默默初心在，遙遙望眼懸。可憐頭欲白，性命苟圖全。

戎馬艱難際，微微百竄身。有詩多感事，無往不依人。鄉夢鐙前豆，風枝陌上塵。家書愁到眼，俯仰愧天倫。

閏年逢六極，（俗言閏五窮閏六極）黯黯入黃昏。慢慢伸求蠖，聲聲淚聽猿。地維還可立，天問竟無言。四顧蒼茫裏，如何不愴魂。

肝衝當世事，碩鼠又何譏。簿俗文應賤，陳人地亦非。聲隨蟬共咽，身與鶴爭肥。離亂家山遠，看雲心欲飛。

不惜百年戰，難忘九世仇。一回毋浪死，七尺肯包羞。行在仍天府，新亭簿楚囚。願從歌詠隊，蕩蕩頌神州。

十日九臨穴，一行長忍饑。苦辛寧足惜，柴米亦難爲。（聽洞中人語）喘月漫相笑，看雲並與馳。太平心有待，天照本無私。

如畫江山在，陪京氣象森。同仇千古壯，紀恨百年深。不信天能鑿，應知日必沉。剛從真理得，爾國邇將臨。（八一三紀恨）

天上機初動，方場萬衆窺。當年歎觀止，今日豈神奇。救國親聆訓，爲郎記獻詞。古稀茲令節，伫看我揚威。（空軍節）

寵辱先施雅，深慙失赴趨。結交惟意氣，忍古入艱虞。奉義才愁盡，迂疏習未除。棲遲憐海角，感喟到鷓鴣。（張祕座 李主任枉顧問疾奉謝厚情）

革命若爲性，粗人禮數疏。病軀蔬勝肉，鄙事鯨彈魚。微尙失邱樊，飄零感劍書。洞中多雜憶，去日竟何如？

高臺邱謁太蕤先生不遇遂至北碚

陳曼若

列岫開崇墉，高臺聳寒樹。欣欣麥苗秀，春草認猶誤。幽探見官府，倏爾三年住。以彼慷慨志，豈不昔遲莫。際此風雨會，何以慰平素。奇懷入朗吟，新喜發佳句。高躅渺難及，搔首向邨路。

好山鎮相從，馬上挹寒翠。雲歸無邊色，日落有殊致。山市烽火餘，不似舊曾至。列肆晚未收，繁燈照無寐。天貺亦已厚，民力豈爲匱。酒香衢路滿，戰伐成往事。

詩集卷行嚴先生以題于院長少日詞稿絕句寫賜次均奉酬

枯棋爭子已知難。此局寧能袖手看。天筆如椽氣如虎。一官當日壓長安。
文運先乖孰可哀。分明招變眼前來。驚心一手提袞弊。曾是人前欲殺才。
聲象都忘立教時。曠持名理啓昌期。無人會得春秋意。大事安能保不隳。
得謗吾宗遍九州。如公風義動高秋。汚人塵土飛長樂。肯爲憐才一日留。
壯心投老未灰飛。峽裏平居欲語誰。侈說廿年詩萬首。放翁如在許肩隨。
少服風裁壯與期。片時款語最堪思。舊人自喜香山在。泥讀當年絕妙詞。
晨出東郭門。逕指孤松秀。霜霰集寒林。朝暉迎遠岫。湫隘屬錦波。崇麗矗傑
構。山川舉目殊。風物愴依舊。雙丸日跳盪。隙駒抑何驟。代謝固靡常。枉期
金石壽。華屋等山邱。荒郊錯羅繡。雪涕思何從。中情鬱悲疚。卅載蓬鬢疏。
塵縈澆衫袖。心懷止永游。面怯觀河嶽。昔我始就傅。執伐論昏媾。比來十七
年。繡繹意何厚。五稔渡扶桑。歲時勞遠候。餽問寄不窮。致書如置埃。歸來
挹水清。執手歡邂逅。方期潛退身。暮齒獲天佑。如何中道捐。風雲歸列宿。
西海臨西滌。塵塵黯昏晝。上將憶登壇。鼓鑿思介冑。叱咤手入軍。神武殆天

授。假翻倦收兵。蟻穴恥牛門。豈意霍去病。眞成列禦寇。毛髮動鄂襄。英靈
充宇宙。當年泛槎人。絕域備遺遊。願共逐胡塵。千金虜頭購。薰猶不同器。
芝蘭有異臭。千載接馨香。墓門陳俎豆。被髮下巫陽。帝闕當上奏。錦水日橫
流。沈沈寶鼎墜。覆。空山寂無人。夜夜聞嘯狖。

世文蓬淨。歸寺勸農會。卽奉春懷。潯溪升鹿兩公。日。對同衣黃。即日觀高臺。
樹巖懸陰。蠶絲華。出得瘴癘。朝過迎暉。近屬錦波麗。一笑大江橫。臨流輻思
。誰作舟楫材。主無縱春韶逝。東下鯨濤張。幾奮鷹揚勢。先鞭已輸。擊擊楫
空稱誓。玄黃戰血殷。潛焉出危涕。龍百戲陳。嗟哉此何世。社鼓聚村墟。
魚羔復煮饑。亂久思暫歡。民勞獲小憩。行行滄隊陌。縱橫樂樹藝。觀彼五穀
勤。艱辛謀望歲。矧茲樹人功。寧失百年計。當年弦誦地。劍戟森兵衛。嶽嶽
交瘡。良馬羸。閉。珥筆贊龍興。曠野。暮齒。竄。道窮愁反袂。
託幽錦江濱。終勝蠻服滯。生降升鹿。高。瘴癘。賦。感賈生。前席思文
帝。貴賤等趙孟。人。覆。一。書。備。古。授。筆。苦。所。契。輟。耕。長。歎。鴻。飛
安足繫。和將。胡。塵。樓。指。幽。薊。澄清向中原。歸來先告祭。

除夕步春熙路。鬧市賦承長兒。
嚴城警風鶴。居人適安之。散如獸走曠。行歎郊路歧。一顧三轉側。十室九空
悲。峨峨華屋人。蟬伏下茅茨。隔日凌中天。炎熇不可支。終年迫荼苦。四驥
勞交馳。兵塵極瀕洞。毒霧無寧期。歲暮促短晷。暫舒筋骨疲。言旋視廬舍。
鄰里禮朋知。倚閭慰親老。跨竈譽稚兒。斗酒美彘肩。枵勞日以嬉。歌呼不禁
夜。博簞紛踞箕。摩肩塞巷衢。騁目織車騎。語笑喧沸鼎。雜沓棼亂絲。霓燈
散霞綺。輝炬奪晴曦。妖服盛鬢髻。淚妝墮顰眉。伊川遷陸渾。爲戎古所臧。
由知浩劫橫。端在風俗糜。巢幕燕徒爾。游釜魚堪嗤。陵谷有徙變。行樂寧窮
茲。此夜復幾時。坐見舟壑移。急歸發舊篋。陳編對牀帷。剝復見道心。讀易
追文義。澹定得所守。毋恣游觀奇。從違夙已決。復何勞策龜。明日躋高臺。
吾心貯春熙。

人日游草堂拜工部山谷劍南象
草堂亦匪遙。一別動五載。經亂始重來。已是山河改。人日喜晴佳。朱霞炫朝
綵。出郭續清游。一尊澆磊砢。杜陵一窮叟。詩篇珍百琲。茅屋破秋風。尙有
詩龕在。堂廡廣可容。修飭逾爽塏。升階一拜公。歡顏如有待。左右坐黃陸。
朝宗學東海。豈期寒士庇。轉被兵子給。高樹綠沈槍。環伺金甲鎧。不動屹如
山。風雨安足殆。中原遲北定。流徙數逾倍。何日事收京。諸將寧無悔。公靈
何憑依。扁舟聲款乃。草堂獨無靈。泣天訴眞宰。

題爲伯鷹作聽詩圖

酈衡叔

門外澄江換幾秋，吟懷羈緒十分柔。酒醒聽澈關山月，銷得伊人一段愁。
捉鼻高情憶小醺，鬢絲簾影夢停雲。殷勤寄與無聲句，莫向塵中着見聞。

贈美總統羅斯福歌（并序）

太平洋戰事驟起因追和陳孝威楊雲史宗子威之作譯寄白宮時中華民國三十
年十二月二十五日也

朔方胡馬鳴蕭蕭，蓬萊海水流滔滔。飛車上擊三千里，舳艫橫斷去來潮。平叢

倭奴肆殘賊，毒豕長蛇食在國。我武維揚擡伐張，叱咤風雲齊變色。五年腥血
汚神州，四百兆民恨未休。萬國兵前摧草木，更捲狂飈天盡頭。狡焉思啓封疆
者，如虎負嵎龍戰野。山岳崩頽西應東，氛侵昏冥夷猾夏。人間何世天理亡，
獨憑正氣掃撓槍。武士鋒端文士筆，併成珠玉吐光芒。遠交與國爲君約，犄角
不愁形勢弱。制侵陵滅殺傷，發亂反正在一諾。云誰之思彼美入，白宮總統
萬幾身。南雁歸時報章至，吾謀能用志能伸。太平洋上洪濤起，先發制人心未
死。甘爲戎首服上刑，孤注一擲終何恃。以農立國國必興，以力服人人力不勝。
欲羣社地證中國，天下將與汝爭能。請看今日之域中，三國爲患衆國攻。師克
在和社無敵，指揮若定仰羅公。歆血會盟執牛耳，所不同心有如水。時日害喪
與者亡，姑舍朝食先滅此。將軍怒飛自天下，矢石掀轟一炬火。出爾反爾理固
然，多行不義求之禍。樓船西望氣如山，旌旗蔽空士無顏。執訊獲醜奏凱旋，
痛飲黃龍指顧間。一氣高談論，一氣一掃。諸葛百戰。雲氣如煙。前古
草堂衣九日攜兒輩登宣恩獨秀峯。重來。白雲山。日日青。來。來。來。
芒屨征筇不用扶，登龍攀鶴立斯須。拂來山色歸襟袖，翦取溪流入畫圖。人比

黃花看灑淚。焉知紅友喚提壺。破愁應共兒曹樂。醉向晴空亂插萸。
西馬征塵獨往還。騰傳高詠滿邊關。斷多山色瀟橋水。映帶霜髭雪鬢閒。
趙（補鑿）傳。（華封）堂堂騰去思。獨悲風木感深知。（先君子曩佐趙幕與傳
共事尤契）為軍何補籌邊策。卷猶虛出塞詩。疎衣澆。二晉以興。坐官堂
禮公委員長趙藏主持第千四輩建賴坐牀典禮余獲隨行往還逾束禮公有詩依
路。韻和之南棧。越愛應益曰。善公書兩京。單總龜自賜奚 倫

崇山疊嶂朔風寒。馬首西來幾度攀。追侍不辭程萬里。為襄盛舉敢偷閒。
絕域欣逢使節臨。衆生迷妄劫方深。知公定有籌邊策。為慰斯民沛大霖。
收菡窳知大破涕。吳端賴膽爭嘗。西陲鎖鑰今安寄。對此何能三日忘。
莫齊甘書懷。公用杜甫奏贈韋左丞丈二十二韻原韻。沈仲賢為北土風

夷齊甘餓死，矜持在一身。大忠與大孝，叩馬一直陳。我昔受書時，欲作上國賓。一字千百遍，吟詠如有神。時究聖哲學，仁民在親親。時求賢者友，天涯若比鄰。後起未爲秀，人亦樂津津。救國會上書，風俗可還淳。江漢幾何時？京滬已沉淪。抗戰走萬里，轉戰兩三春。戰車時作門，冒死走風塵。傷心家國事，嘗徧苦與辛。枕擊雖見徵，策略未曾伸。願爲翔天鳥，不作失水鱗。爲人數雖奇，處世惟率真。偶在坎壈下，力勵唯自新。今俸過半斗，酌酒莫辭貧。寒夜驚雞舞，與敵作巡踈。寧蹈東海死，義不帝暴秦。直搗扶桑後，願隱北海濱。昔帝作南針，越裳願爲臣。郭公復兩京，單騎虜自馴。

張故上將蓋忱哀辭二百韻 集易林句

徐天嘯

太山之陽，佳居千里。天福所鍾，聖人所在。賴先休光，仁哲以興。生有聖德，聰智且明。（將軍諱自興字蓋忱山東臨清人）處和履中，剋身整己。晝夜苦勤，五經六紀。家道篤厚，德教尙忠。襄續厥緒，繼祖復宗。（祖諱春林耆年碩德樂善好施負一鄉之望父諱樹桂嘗官江蘇將軍幼隨讀任所稍長入臨清中學）入天津法政專校攻苦力學卓異儕輩）生不逢時，困于清室。湯武赫怒，復我

邦族。本根不固，未獲安休。內畔外賊，使君恨愛。欲求福利，發憤忘食。獨居愁思，杜口結舌。明知權矣，宜其美才。茅草米筆，藏諸蘭臺。（性沈毅平居寡言笑好深思時當鼎革之初痛國勢陸危及外族憑陵奮然投筆從戎）憑乘風雲，武立大柱。屏藩燕齊，爲國幹輔。（北伐時積功擢升第二十五師師長）當此之時，北陸苦寒。爲夷所逼，居處不安。思患預防，宏明早見。砥德勵材，得吏士意。（主持幹部訓練多年與士卒同甘苦共患難深得其心）牧爲代守，與禍爲鄰。謹慎管籥，不勝其任。海隅遼右，招禍來螫。張狂妄行，不敢拒格。公拔戈起，當變立權。誅逐無道，爲兵導先。爪牙之夫，陳力就列；貞廉之師，動作有得。（九一八後宋哲元長第二十九軍將軍任第三十八師師長因益銳意整訓日夜以收復失地雪恥圖強勵所部每戰必身先士卒而部衆亦無不感奮樂與效死）北出玉門，與虎相逢。龍喜張口，誰敢當鋒？（喜峯口一役殲敵步兵兩聯隊騎兵一大隊是爲將軍抗敵之嚆矢）一擊破亡，長城旣立。霸功不終，大勇小捷。（惜當時全面抗戰時機未熟致未能竟其全功）當此之時，見衰敗祥。白龍赤虎，禍起蕭牆。蜂蠆之毒，痛在手足；炎火爲

殃，憂在心腹。征討困極，民無以休。欲以內安，慎戒外憂。時不我與，勤而有悔；衆不同心，進不若退。觀察安危，不利有爲，守發能忍，安靜侯時。國多忌諱，有所畏避。交和結好，非君本志。（將軍前主察政後長平津時敵人密布乘間抵隙多方以譖我將軍苦心折衝與敵周旋）飛言如雨，賊害忠良。人雖昏霧，元首昭明。（時輿論多不諒將軍始終未嘗以一語自明）忍辱少羞，心勞志苦。寒暑相推，新事復起。（一八〇宋晉元吳錄二十八）

當此之時，邦國騷愁。商風召寇，履危陷溝。（二十六年七月七日敵犯我蘆溝橋）介士守護，在師中吉。先驅除害，不失其節。金精矚怒，保我家邦。明星熠熠，其光顯揚。（我駐軍吉星文團長首先率所部抗之全面戰事從此爆發）不幸遭患，折悔爲咎。力不相當，先喜後否。衆星霄亂，鬱悒不明。大雨將集，始見兆形。寇顧吾邑，間諜內應。四姦爲殘，德戰不勝。宋公危殆，君子征凶。失勢外走，勞苦無功。

當此之時，失其都市。平城道西，津不可渡。江河橫流，公懷大憂。變易常服，駕駟南遊。（平津淪陷後將軍不顧一切喬裝南下）被社鼙鼓，雲龍集會。

以我其駕，諮詢厥事。伊呂股肱，張陳嘉謀。拜受大命，以義討尤。（最高領袖深知其苦衷曲，加愛護特援命爲第五十九軍軍長）東至于齊，寇賊大至。來如風雲，中有大怪。恃無負力，追我濟西。堅不可攻，五銖鐵頭。（臨沂之役敵主力爲板垣師團號稱鐵軍其鋒銳不可當）將軍振旅，倍道趨敵，遂行挑戰，將師襲擊。七日六夜，敵不能當。雄師敗覆，滅其令名。（將軍率所部疾趨戰地一日夜達百八十里與敵鏖戰七晝夜斬馘萬餘級敵師大潰板垣僅以身免）當此之時，東隣愁苦。消耗爲疾，自取凶咎。子從元帥，依天之威。禦侮致福，建德開基。（臨沂一役爲我抗戰後克敵制勝之始其後因有台兒莊之捷）江漢上游，君孤獨處。道逢六狼，跳起爭鬥。發軔有得，弧張狼鳴，分走竄匿，敗于水泓。（二十七年九月武漢會戰將軍以孤軍堅守潢川雖敵人廣播亦不諱言遭遇極堅強之抵抗其受創可知）隨珠重寶，羣虎入邑。北山有棗，虎飢欲食。自逐自逐，前觸鐵矛，所求不得，主墮深溝。（二十八年五月敵以三師團進窺棗隨將軍親率兩團渡河襲擊大破之田家集敵狼狽潰竄用是有鄂北之捷）轉戰東西，周旋萬里。柱國雄勇，絕無以比。（自抗戰軍興將軍奉命轉戰各地二三年

來大小百餘戰其所部未嘗離第一線。蚩尤敗走，不可強支。戰既不勝，班馬還師。君不得息，驅狼逐虎。奏爲膚功，獲其醜虜。（二十八年冬一再出擊先後斃敵聯隊長三傷旅團長一斬獲無算）威震敵國，頌聲作興。誣情自直，榮譽日登。（抗戰後將軍首創強敵迭奏殊勳其忍辱負重忠勇爲國之心始大白于世）

當此之時，江南多蝮。銜憂懷恨，毒愈酷毒。火中仲夏，天災所遊，三蟲作蠱，與類相扶。五鳥六鷗，奮翼鼓翅。長蛇巨魚，疾行亟至。（二十九年五月敵又抽調重兵附以飛機大砲分三路犯我襄樊）騷騷擾擾，紛紛匈匈。將軍大怒，自西徂東。（將軍在棗陽之方家集獨當正面于六日之晚率所部往襄河東岸進擊斷敵歸路）水退我前，不利進取。請命于河，乘船渡濟。秉鉞執爨，左指右麾。騏驎綠耳，干旄旌旗。鍾鼓大鳴，兩金相擊。扞衛百毒，無有休息。車馳人趨，如摧壅枯。十日六夜，戰大破胡。鷹鷂之歿；魚蛇之怪。散渙四分，方始亂潰。追亡逐北，未能越關。兵伏卒發，中道復還。（與敵血戰九晝夜敵傷亡枕藉圖竄河西將軍復追至方家集大破之）

當此之時，凶憂來到。君不能克，爲敵所制。（十六日敵援軍大至衆寡懸殊不

幸陷入重圍中。左右勞苦，伏不能趨。陳辭達誠：「公無畏懼」。公云：「予
精」，鼓音不絕。終日大戰，身困不辱。左右請稍退，不許督戰益力。中田有
虜，輒揚有瓜。虺蝮所聚，喪我元夫。流血濡櫓，倒地更起。口不能言，張牙
切齒。其（自晨至暮，身被六創，卒戰歿于襄河東岸之南瓜店）一死不還，將軍壯
心。言不負語，得其所歆。大將軍自抗戰後，每言必爲國死，渡河前與馮副總司令
治安及諸將領親筆書有爲國家民族死之決心，海不濶，石不爛，決不半點改變之語。今
果爲國死矣。嗟哉！衆多從者，瘡痍不息。僵死如麻，勇氣鈞敵。（幕僚衛士隨
殉者以數百計）處婦思夫，泣血獨哀。耿耿寤寐，志如死灰。（德配李敏慧未
人聞耗亦以身殉）歎我君子，各得其願。嘉我淑姬，相隨偃仆。同枕同袍，志
合意同。仁德感應，光烈無窮！
當此之時，天下大勸。君子作人，勇夫慕義。百足俱行，相輔爲強。合格有
獲，六師以昌。披髮夜行，踰越險阻。道絕不通，行行窘步。禍不成災，襄夷
服除。迷亂失所，摧敗無餘。（將軍成仁後，我各路大軍激于忠義，作戰益力，完成
包圍之勢，時襄敵歸路已斷，狼奔豕突，斬獲甚衆，我軍大捷）堅柱關中，不破不缺。

天之與府，寇不敢賊。傾危復立，先困後通。賴其忠德，保異明功。此役之捷，關係安危。鉅推其由，來將軍親臨前線。至死不退其功，不可沒也。思吾故主，三牟不復。國被其殃，良被其賊。擾亂未靖，失其貞良。思初悼古，愴焉心傷。使我後起，天下同力。英雄爭名，君子是則。惟日兢兢，期于嘉貞。精誠所

在，何事不尊。趨轉禍爲福，敵人請服。止須時日，所願必得。

當此之時，大克勝還。公出不復，乘龍上天。反行飲至，懽樂有得。公不可知，對酒不食。征夫在堂，大戶見妻。公出不復，華落生悲。日月更始，照臨萬國。公不可知，以夜爲室。開鄒洪緒，歸于京師。公出不復，不知所之。昭告顯功，名成德就。公不可知，九臯難扣。金城鐵郭，賴其福全。公出不復，高山崩顛。山陵丘墓，骨爲灰土。公不可知，與死爲伍。千歲廟堂，不失其恭。公出不復，尊嚴在中。封受上賞，榮寵赫赫。公不可知，輝光照國。

當此之時，偃武修文。干戈囊閣，宇宙康安。心思故人，百戰檀轂。爲我國

家，罷勞功竭。天命不佑，中年天傷。將軍生于民國紀元前二十七年，享年五十一。孤子哀哭，長子康珍畢業北平中國大學。次子康靜早殤。摧我肝腸，今乃逢

時，安寧如故。不可得視，精魂遊去！馨香陟降，遷氣作雲。雖相登望，終不見君！君受其咎，人受其福。時稱太平，明德隱伏！白日揚光，火息復明；甘雨嘉降，枯竹復生。死人復起談何容易？無路致之，使我心苦！長號不已，作此哀詩。假文翰翼，呼精靈來！

贈李月甫

唐 慄

長沙官舍初相見，掠眼詩篇已暗驚。一炬倉皇成浩劫，經年流轉惜餘生。江山搖落深秋思，客旅羈愁減宦情。寒夜過從多苦語，何時天宇復清明。

耒陽懷古次韻二首

書角吹殘大地秋，頻年戰伐使人愁。不辭僻地行千里，錦水翻來一葉舟。契稷虛期致聖君，南荒今有未招魂。傷心萬古孤臣淚，空見淝江繞墓門。

由湘入蜀過柳州寄衡陽諸子

慷慨飄零去西蜀，今宵飛渡鷓鴣江。衡陽款洽成追憶，世路崎嶇入感傷。孤月
起春寒塞達貞秋風蓬憶故園涼。明朝論上古黔道，萬里扶搖接混茫。幾處
與千山啓樊縷秋。無言林樾意常銷。東風回變非天命，且誦盧山勸善言。

與子山樓共起居，無爲相對意常餘。原知回變非天命，且誦貞元用世書。（謂馮芝生君「貞元三書」）一代慶興關制度，壯年心力惜蟲魚。沙鷗幾點荒江闊，便爾忘機愧未如。

由唐人國故論世

嘆歎幽明變世殊，昔人亦未識。新心若何底，空長語。門。昔人知世變，今人不知。不若知世變，今人不知。門。

古來語二首

昔人知世變，今人不知。不若知世變，今人不知。門。

昔人知世變，今人不知。不若知世變，今人不知。門。

觀李氏前

地宜種。新交得幾。無詩何來！

雨亭詞。林澤對。人愛其詞。如辨太平。即前語。文。然則。昔

良節！我愛其卷。人愛其詞。如辨太平。即前語。文。然則。昔

和。我愛其卷。人愛其詞。如辨太平。即前語。文。然則。昔

詞錄

木蘭花慢 送沈延平東游

宋樂之

念家山何在，喜歸去，未還鄉。正月寄五溪，雲凝八桂，雁過三湘。風輪曲盤
萬里信，江流真斷九迴腸。奪得謝公山水，登臨好澆征裳。金闔扶眼看符江。
今古一悲傷。慨故人宿草，故家喬木，故國滄桑。山村一時小別，莽神州極目
立蒼茫。爲道江湖倦侶，有人玄髮成霜。

八聲甘州 寄虞榘成都

記芙蓉步屐薄游初。碧艸滿平蕪。爭別君歸後，吟邊興在，畫裏情孤。幾度屋
梁斜月，烟水老菰蒲。錦字題詞處，飛夢雲疏。重訂俊游舊約，要花溪泛掉，花市提壺。問者番喚酒，曾醉麗人無。想修眉正
添新綠，倚銀燈親製冶春圖。還相許，登樓吹笛，側帽騎驢。

八聲甘州二首 寄城中子大

又關山笛裏送新涼，秋思滿山村。正聽風聽雨，懷人感舊，夢忍重溫。一樣浮沈片曠，山月隔烟分。霧滴梧桐淚，暗自銷魂。還記扁舟江上，共推篷望月，咏史初聞。問使君高誼，誰與素心論。念平生遨游江海，數今人孰與古人倫。西風過，樓頭一雁，唳入重雲。

恨江湖有意送君來，無意送君歸。念黃金臺上，烏衣巷口，幾度斜暉。人海暗驚離索，物我總相違，誰似西谿老，相對忘機。等是無家燕子，向海山空闊，何處孤棲。算平生推抱，如我與君稀。憶江南人：說好，恐流人祇合老川西。成都去，草堂還在，不應沾衣。

高陽臺

紅燭燒殘，青山游倦，綺懷無限春晴。淚盡腸迴，十年已忍伶俜。良宵枉有蘭衾夢，祇懣騰夢也無憑。最淒清，音絕金徽，影背銀燈。

相思憑喚三生石，料前生已誤，何況今生。玉簡沈河，徒供後死先盟。此身長在情長在，縱無身那便忘情。倚新聲，遙夜虛窗，聽和虫鳴。

一萼紅

奔神州。又一行新雁，遙帶杜陵秋。黃梅歛山，翠篁拂水，斜陽忽下西樓。問江上千帆如葉，可何年萬里泊吳頭。無限蒼涼，幾多幽怨，不勝清愁。望極江波滾滾，任鶯濤拍岸，不醒眠鷗。立馬吳山，窺兵越絕，關河烽火難收。更休笑故山猿鶴，早相將散髮入扁舟。往事何須重說，付與東流。

疏影 (爲實父題公彥畫五色梅花用白石韵)

雙株削玉。更瓊枝璀璨，網緼雲宿。雪裏春痕。潔抱芳心，明霞豔映修竹。山亭放鶴歸來否，有鶻踏枝南枝北。喜時時俊侶同看，不是倚樓人獨。還記冷香閣上，高情正唱和，山剪眉綠。攜返永魂，第一東風，長在君家華屋。五雲深處春長好，更聽

臨江仙 (四首)

王去病

一、山中遣悶

借問年來何所見，舉頭萬點山尖。料量都是米和鹽。琴誰知賀若，詩不愛陶潛。跌宕圖書怨老大，自觀猶覺生嫌。從今休再賦枯枘。種榆容易長，談笑

聽閩閩。

二、寄 公武先生

鐵化雙魚沉遠素，（東坡句）神馳歌樂山村。何時尊酒細論文。偶成長短句，先報許將軍。大隱廬詩添幾卷，若吟兵甲黃塵。干戈未定作詞人。伏波元嬰鏢，開府更清新。

三、兵動後友人多入蜀予獨留山每得蜀信輒爲神往因成此辭

底事艱難嗟蜀道，眼前便是峨眉。羅羅雲表衆峯奇。有山皆突兀，不是比高低。更指錦江春色裏，草堂萬里橋西。竹青沙淨浣花溪。蒼茫人獨立，高詠少陵詩。

四、清明節天氣奇寒竟雜雨雪

時節清明今日是，天公尙放嚴寒。通明不取綠章看。春陰都退值，青鎖缺朝班。蝴蝶驚猜風雪裏，仙衣冷貼虛闌。紅邊殘夢一番番。精魂空栩栩，何處影孌孌。

唐多令（二首）

何事最添愁？韶華水樣流！有濁醪，難散千憂；（杜、濁醪誰選汝一酌散千憂）
幾度欲吟詩遣悶，神不助，不如休。（杜、詩應有神助吾得及春遊）與到作春
遊，人能健步否？只青山，依舊昂頭。三五奇峯歸鳥外，雲影裏，結飛樓。（
杜詩翠深開斷壁，紅遠結飛樓。）

笑問欲何之？干戈滿地時。誤儒冠，將信將疑；汗馬有人憎命達，如李廣，
數偏奇。破浪去求知，居山又學詩。兩年來，自試填詞。老喜並無官樣句，樵
唱裏，得新師。（汗馬有人憎命達，日君○詩無官樣，均見江表叔伏誥堂集）

蘭陵王

辛巳清和月歸自蓉城展慈親呂太室墓
用清真均

盧駒原

菘筠直，數畝園亭暎碧，吾廬在，待讀北堂，長憶青燈照顏色，頻年歎去國，
眞個還家似客。慈幃渺，阡表甚時，遙望龍岡字盈尺。低徊覓陳跡。鶯紙蝶飛
灰，香篆縈席。風銷雨霽過寒食。算酒展三奠，墓前奴拜，相如暫隱發傳驛。
耿空護天北。悲惻，恨如積。看宰木愁凝，芳艸悽寂。春暉霽露思何極。更
數點寒鴉，幾聲村笛。夕陽歸去，樹影靜，晚露滴。

掃花遊

柳絮（用清真均）

灞橋岸斷，悵盡日飄蕩，滿懷悽楚。頓離怨縷。乍低仍又起，有風便舞。似雪非花，每因沾泥細雨。任伊去，儘去路太長，歸也無處。前程知幾許。與野馬爲緣，團酥迷路。儼登玉俎。念蠻腰瘦損，自慚樊素。蕩墮無聲，漂水殘紅并苦。暫延佇，一池萍碎隨蛙鼓。

鎖窗寒

（用清真均）

鬪鴨欄邊，蘋開映水，柳絲飄戶。油油碧澗，潤了一霄新雨。滿町畦，剪羅乍紅，罌飄轉綠花能語。算芳園歡宴，浮生如寢，天涯爲旅。將暮。悵望竹西邊，春光百五。藉琴阮嘯，誰似清談高侶。問安仁金谷俊遊，輕歌慢舞堪比否。但韶華易去難留，莫任空尊俎。

齊天樂

秋柳

周禮

交筇路繞烟中樹，暮來惟悴如此。點鏡萍枯，描風眉瘦，舊日嬌姿無幾。西風驟起，更經沁蕉心，寒生雁尾。露刃霜矛，摧殘怨葉墮流水。三春夢影重省，算鸞兒燕子，多情猶記。漢苑螢飛，章台人去，渺渺予懷長已。闌干徧

倚，想錦瑟年華，飄零滋味。縱有長條，夕陽扶不起。

高陽台 暮春

畫閣鏤雲，痕窗記月，淒涼何處悲筇。倚枕思量，春風暗換年華。幾回鶯破相思夢，多少事付與啼鴉。甚而今水驛山程，人在天涯。淵明悔作閒情賦，祇沉思花底，還對蜂衙。雁足傳詞，無憑空望流霞。東君若解離愁苦，怎遲來又早還家。只愁它，綠了垂楊，紅到桃花。

摸子

對濱紛亂紅如雨。匆匆還送春去，杜鵑也怨春歸早，啼徹千山烟樹。傷心處，第一是雲深霧暗，迷歸路。鶯歌燕語，似刻徵流商，移宮換羽。苦勸東君住。漫凝佇。隱約帆飛，別浦。離愁能載多許。瀟湘萬里滄波遠，應念美人遲暮。母須訴，但看取簾前盡日風吹絮。飄零最苦，况綠遍芳洲，萍圓浙老，垂柳灑灑舞。

檀槽，幾曲銀箏。湘皋已是香鈿寂，歎傷懷宗玉，瘦損蘭成。懶拂青鸞，怕看華髮星星。并刀難剪江關浪，剩芳醪，慣傍樽騰。動淒清。萬斛相思盡付啼鶯。

鷓鴣天

日日花前醉酒危。滿懷心事訴愁知。漫憐鏡裏朱顏瘦，又見江頭碧草滋。腸
易斷，恨難支。沈郎漂泊動哀思。荼蘼開盡香無主，獨自傷春更語誰。

八聲甘州

月夜憶亡友雪映

鶯抬頭，花影上闌干，綺夢墮難尋。歎香埋姑射，雲迷洛浦，獨弔遺簪。往事
依稀在目，熱淚洒衣襟。惆悵月明夜，誰和清吟。不盡天涯愁思，理哀絃萬
疊寫入瑤琴。更歌辭百首，空訴十年心。渺荒烟，北邙遙望，黯招魂，山鬼泣
愔愔。西湖路，記題紅處，却怕登臨。

憶江南

離別恨，盡在不言中。萬斛鄉情侵客緒，數聲鷓鴣怨東風，惆悵落花紅。

南鄉子

（中秋夜金華山賞月）

逝水數流年，又是中秋薄暮天，山外夕陽初欲墜，娟娟，回首金華月正圓。
把酒學坡仙，邀得嫦娥佐倚筵，滿座狂歡驚野鶴，翩翩，飛破長空幾點煙。

曲錄

東鰲宮磯倭記雜劇

王玉章

（正末戎裝上）當年騎馬入戎行，却敵致勝姓字芳。孰謂斗胆姜伯約，可堪組豆祀岳王。咱汪彥高是也。自小父母雙亡，無○無室，沒奈何只得投入營中，充當一名火夫，跟着兄弟每東征西討，積些微功，官升營副之職。正正是將相原無種，有志事竟成。哈哈。哈哈。（微笑科）前歲八月倭人無禮，犯我疆土，去年秋間，又與我會師漢皋，祇因戰略關係，奉主帥嚴令，退守襄樊，保留元氣。巨耐戎馬倥傯之秋，忽與兄弟每散失，孑然一身，流落洞庭湖畔，眼看得倭人猖狂滿○烽烟，好不煩惱人呵。（嘆科）（唱）

（北仙呂賞花時）耳聽得胡騎夜夜鳴，眼瞧着狼烽烟處處明。這半壁天下誰支撐，好着咱心頭火迸。

跌倒了倭王庭。

咱雖行伍出身，却粗知節義，更不忘保國衛民的重任。曩日在軍中，兄弟每稱咱胆大包天，渾名小李廣。頃間聽說岳陽東鰲宮，那裏駐有倭軍一隊，藏着軍糧槍械無算。咱趁這黑夜時分，隻身規營，將來到主帥那裏討一個軍功，一來爲國復仇，二來可贖迷路落職的處分，豈不是一舉兩得的勾當麼。唉，願上蒼助咱一臂者。（望空跪科）（唱）

（玄篇）哀告岳城柳樹精。還凝望汨羅畔楚湘靈。願神人降些疼熱情。可憐見

萬千生命，拂祛天狼星（起科）倭兵呵倭兵今晚要一試咱小李廣的手段哩。（指科）前面叢林深處森簇簇的一座廟宇，裏面燈光燭天，想必是東鰲宮了，咱須索走一遭去來。（虛下）

（場上設東鰲宮龍王像）（副淨倭裝領甲乙丙丁戊己庚辛八卒繞場上云）昭和殿下一村沙，生性由來祇愛家。強入軍門習鬥狠，却不道亡身落魄在中華。卑職有野碩哉的便是原籍大日本北海道人。自幼嫻習工藝，賺得幾貫錢鈔安家度日，倒也自在。那知晴天霹靂，天皇特頒詔旨要招募遠征軍，出征支那。卑職便強迫入伍充當一名大佐，領着數百兄弟，遠迢迢的來到這岳陽地面。就在東

鰲宮屯紮，看看已一年有半，可憐見支那人民不知干犯那種過失，抵觸那種法理，要勞天皇興兵征討。而支那人民又苦苦支撐，久戰不屈。正是鵝蚌相持，歐美各邦倒要做漁夫哩。這些經國大事，自有天皇主持，管他則甚。巨耐卓職想起家中白髮老母，丁年妻兒孤苦零丁，無靠無依，有甚心緒來打什麼鳥仗。

啊吓，天啊，正是悶損人哩。（泪科）（唱）

（南越調水底魚兒）我要上叩天天，一段勞愁甚處言。恰好比轆轤旋轉不停的斷糾纏。（大哭介）啊吓吓，我的老母呵妻兒呵猛驚起渾家嬌面。還有那親母風燭年。

這和教人怎遣。的夢兒在那邊，夢兒在那邊。（揮泪介）

閒話少說，倒是東鰲宮這個地面。屢有不逞之徒，往來出入，須要小心把守纔是。時已深晚，兄弟每聽卑職分付。（衆）大佐說的是。（副淨）今着甲乙二卒嚴守廟門，丙丁二卒整頓旗徽，戊己二卒照顧槍械，庚辛二卒隨從卑職去來。

（衆）理會得。（副淨領衆繞場下）（場上設廟門裝燈彩甲乙二卒持槍守門席地磕睡科）（正未持刀上舞少林刀法一套）住了，咱到得這東鰲宮，前就在柳陰下暫躲一會。看些破綻，方可下手。（看科）噫，原來守門的卒子恰在那裏磕

睡。正是天從人願，惡貫滿盈，倭賊吓倭賊，今晚該死在小李廣刀鋒之下了。
噤聲！（唱）

（北仙呂寄生草）

骨碌碌

將身躲，

靜悄悄

潛步進

（伏地潛進科）

上煎煎

埋伏風雷

迅，惡眼

排就天罡陣。

慘凄凄

甚處誣冤恨。

執

鋼刀劈碎小天靈。

（砍甲乙二

卒科）

怎抵得

四億華胃心頭忿。

咱已把門卒砍倒，還要進廟走一遭去來。正是不入虎穴，焉得虎子，哈哈，（掩口科）不要驚動了倭衆者。（虛下）（場上建日徽丙丁二卒橫臥滾下）（正未潛步上）吓這是東熬宮的陳撫許多倭兵，一個個如癡似醉的睡在那裏。且不要驚動他，待咱看個明白，再作道理。（看科）嚙原來藏着如許軍旗，咱要選一面最精美的擎回去者。（唱）

（么篇）

旂兒呵

你招颺在

倭王殿，

挺立起

東海蜃。

虛脾兒

做出山羊順，

內心腸

綴

就蝦夷狠。

說什麼

彼此相謙遜。

下腸

生扯

太陽旗

漢家還有個韓王信。

（拔日徽科）

權把這軍旗播在腰間，將來回見主帥，當作劫營的折證者。（虛下）（場上設

軍械庫裝燈彩）（戊己二卒上）（戊）一夢醒來，忽覺內亟，又聽得隔牆作索索的，不知是龍王顯靈呢？還是鼠輩在那裏打架。心中不免有些害怕，祇得拖自家兄弟陪我到更衣室去來。（拉己科）（己）我也害怕，不去不去。（戊）自家兄弟陪我一陪，打甚麼緊！（誦下）（正末潛上）剛在擔陰下聽得兩個賊徒絮絮叨叨的說些甚麼，煞時便往裏面趨行。待咱看來便知端的。（看科）原來龍宮西廡暫充倭賊軍庫，阿吓吓你看槍炮子彈充滿一室，正是咱四億人民的死敵哩。（唱）

（玄篇）那槍枝兒多如草，子彈兒高處細。一般多是陷人品。一簇簇現出喬丰韵，往常時用以安邦本。倒做了轉輪殿下鬼刀叉，少不得梁山泊偷甲齊搬運。

可憐咱形單影隻，如何劫得恁多軍械。（沈吟科）噫，有了，權借兩枝手槍，當作自家工具，手溜彈兩枝，當作驚醒倭賊的禮物，（掣槍彈懸腰科）其餘科器祇由他去了，正是借刀傷人，作繭自縛，可不笑煞人也。（笑下）（場上設大帳裝燈彩）（副淨引庚辛二卒掌燈上）（副淨隱几假寐二卒提燈下）（副淨）

今晚不知爲着，甚的一闔眼便見惡魔繞床，好生害怕，正是妖夢不祥，來日遭殃且不表。（覷錶科）噫唷唷，夜已深了，待卑職稍睡片刻，再作道理。（睡科）（正末提刀潛上）那裏屋宇軒敞，中間供着龍神，想是正殿了。還有倭賊睡在那裏，細看他的冠帶服裝。必是倭首無疑。身旁掛着金錶一個，煞是玲瓏可愛。須把他摘將下來，當作一件勝利品則個。（摘錶索副淨欠伸科）（正末伏地暗躲科）（正末）好險啊，（探視科）謝天地那倭賊還未醒寐咱。先把他的結果性命，再取金錶，却也未遲。倭賊吓倭賊，死日已臨，尙兀是在夢裏，古人所謂至死不寐是也。（提刀唱）

（么篇）兀那倭酋呵子裏着妖楚，軟兀科難震奮。須不科玳瑁盆鬼斷勾引。也不是冤家債主來承問。大古裏馬陵道上遭災疾，可不道飛騰白衛自天來，飛揚得斷頭臺畔成蠶粉。（刺副淨下取首級金錶科）（正末）大功告成，咱須索尋歸程去也。（沈吟科）則却未妙，常言道大丈夫做事須要磊磊落落，切不可學竊兒一般行徑。（凝思科）吓，有了，咱便在殿後放起一把火來，驚醒倭賊，叫他自相殘殺，這不是一件有趣的勾當麼。好好好，咱就是這樣做去便了。（縱火擲

手溜彈放鎗登牆看科】（衆驚擾持槍自相混戰下）

（冲末引祇從捧劍印上）（冲末）論功大樹下，令使屬吾曹。此去烽煙地，三湘有俊豪。自家軍團長麾下，一位副官的便是。月前汪彥高營副獨自一個乘夜走到東鰲宮倭營那裏，殺壞倭酋，劫奪槍械旗幟來軍團長轅下投功，軍團長便把這事轉呈主帥，聽候發落。昨已奉到復令着汪營副連升二級，就在軍團長轄下充當一位旅長。今日已把印劍齊備停當，差小官傳命去來，祇從每向前趨動者，（祇）理會得。（鼓吹繞場科）（正末內唱）

（么篇）今日裏鈞鳴鳴凱歌奏，遠迢迢歸路穩。寬綽綽征衫博帶天風趁。步蹣跚垂鞭後馬官街近。一壁廂九嶷前永皆平允。只落得長空秋羽過衡州，稍帶個沙場八字兒平安信。

（冲末）有請將軍。（正末）來了，（正末引卒提首級持日徽上）（冲末迎云）小官迎接將軍，（正末）罷了，（冲末）恭喜將軍升任旅長之職，冠服印劍停當在此，就請將軍穿戴則個，（正末）將過來，（換冠服細吹打）（唱）（么篇）咱這裏整軍帽，整軍帽齊兩鬢。（整冠科）摩身驅披挂繡龍袞，（整

中華民國三十四年八月初版

民族詩壇

全一冊定價六角

編者 盧前

發行者 獨立出版社

重慶江北香國寺上首

代表人 盧逮曾

印刷者 獨立出版社

經售處 正中書局

重慶中一路二三四號

中國文化服務社

重慶磁器街十二號

版權不
所翻
有印

清校者 秦志學

獨立